

# GJALDSKRÁ

## Hitaveitu Blönduóss.

### I. KAFLI

#### 1. gr.

Hitaveita Blönduóss selur afnot hitaorku úr hitaveitukerfum þeim, sem gerð hafa verið eða verða gerð á Blönduósi eftir þeim reglum sem settar eru í gjaldskrá þessari sbr. og reglugerð um hitaveitu og hitalagnir á Blönduósi.

#### 2. gr.

Hitaveita Blönduóss lætur hverju húsi, sem er í sambandi við vatnsæðar hennar í té vatnsmagn, er ætla má að nægi til hitunar á húsinu, enda séu ofnar hússins nægilega stórir að dómi hitaveitustjóra.

Hitaveitan setja stillanlegan hemil fyrir hámarksrennsli til hvers upphitunarkerfis og miðast gjald hitaveitunnar fyrir selda orku við það hámark, sem hemillinn er stilltur á. Hitaveitan lætur húseigendum í té aukahemil, ef þess er óskað.

#### 3. gr.

Einungis starfsmenn hitaveitunnar mega breyta stillingu vatnshemils þess, er um getur í 2. gr. Hitaveitan breytir stillingu hemils eftir óskum húseiganda fyrsta árið, sem hús hans er tengt við hitaveitukerfið, en síðan verður hemilsstillingu að jafnaði einungis breytt einu sinni á ári og skal beiðni um breytingu komið á framfæri við hitaveituna fyrir 1. janúar ár hvert.

Hámarksstilling hemils gildir allt árið, þótt orkunotkun verði minni, hluta úr ári.

### II. KAFLI

#### 4. gr.

Gjöld fyrir afnot heita vatnsins eru sem hér segir:

|   | Kr.      |
|---|----------|
| a) Fastagjald á mánuði .....                                | 500,00   |
| fyrir hverja byrjaða 5 mín.lítra.                           |          |
| b) Vatnsgjald .....   | 1 000,00 |
| á mánuði fyrir hvern mín. lítra í hámarks stillingu hemils. |          |
| c. Vatnsgjald um rennismæli .....                           | 53,30    |
| fyrir hvern rúmmetra vatns.                                 |          |

#### 5. gr.

Vilji notandi fá meira rennsli í kranavatnslögn en er á miðstöðvarkerfi getur hann fengið sér skammtara á kranavatnslögn hjá hitaveitunni. Kranavatnsskammtarar í sambandi við aðalhemil eru af 4 gerðum og gefa þeir eftirfarandi rennislutföll milli miðstöðvarkerfis og kranavatnslagnar:

|         |          |
|---------|----------|
| A ..... | 1,00/1,0 |
| B ..... | 0,95/1,3 |
| C ..... | 0,90/1,7 |
| D ..... | 0,85/2,8 |

Vatnsskammtur notanda (gjaldsskammtur) er í þessu tilviki reiknaður 1,0.

## 6. gr.

Hitaveitugjöld skv. 4. gr. verða krafín mánaðarlega og skulu þau greiddast til þeirra innheimtustofnana, sem sveitarstjórn ákveður. Gjaldldagi er við útgáfu reiknings. Hafi reikningur eigi verið greiddur innan 20 daga frá útgáfu reiknings er heimilt að reikna dráttarvexti eins og þeir eru ákveðnir hjá innlánsstofnunum, sbr. 13. gr. laga nr. 10/1961 og ákvörðun Seðlabanka Íslands á hverjum tíma.

## III. KAFLI

## 7. gr.

Heimæðargjald Hitaveitu Blönduóss skal vera sem hér segir fyrir eina heimæð:

| Rúmmál húss (utanmál)          | Heimæðargjald  |
|--------------------------------|--|
| Allt að 300 m <sup>3</sup>     | 45 021,00 kr.  |
| 300— 2 000 m <sup>3</sup>      | 45 021,00 kr. fyrir 300 m <sup>3</sup> og 41,30 kr/m <sup>3</sup> þar yfir     |
| 2 000— 6 000 m <sup>3</sup>    | 115 350,00 kr. fyrir 2 000 m <sup>3</sup> og 32,90 kr/m <sup>3</sup> þar yfir  |
| 6 000—10 000 m <sup>3</sup>    | 246 763,00 kr. fyrir 6 000 m <sup>3</sup> og 26,80 kr/m <sup>3</sup> þar yfir  |
| Meira en 10 000 m <sup>3</sup> | 353 839,00 kr. fyrir 10 000 m <sup>3</sup> og 23,10 kr/m <sup>3</sup> þar yfir |

Stofngjald fyrir hvern aðrennslismæli umfram einn á sama inntaki er . . . . . kr. 4 867,00.

## 8. gr.

Gjöld samkvæmt 7. gr. eru miðuð við vísitölu byggingarkostnaðar 3699. Er hitaveitunni heimilt að breyta þeim í samræmi við þær breytingar, sem á nefndri vísitölu verða, að fenginni staðfestingu iðnaðarráðuneytisins, hverju sinni.

## IV. KAFLI

## 9. gr.

Nú eru leyfð afnot hitaveitunnar til annars en húshitunar, svo sem heypurrkunar eða ræktunar og er þá hitaveitunefnd heimilt að ákveða gjald fyrir þau afnot sérstaklega í hverju tilviki með hliðsjón af gjaldskrá þessari.

## 10. gr.

Öll gjöld samkvæmt gjaldskrá þessari má taka lögtaki á kostnað gjaldenda.

## 11. gr.

Hitaveita Blönduóss hefur rétt til að loka aðrennslis heita vatnsins að húsi eða íbúð notanda, sem vanrækir að greiða hitaveitugjöld. Fyrirætlun um lokun ber að tilkynna með minnst 5 daga fyrirvara. Lokunargjald er jafnvirði 1 mínútulíttra af heitu vatni, á þeim tíma sem lokunartilkynning er send út, nú . . . . . kr. 1 000,00

Hitaveita Blönduóss hefur rétt til að krefja notanda um innheimtugjald, er nemi hálfu lokunargjaldi, vegna undirbúnings að lokun vegna vanskila. Gjald þetta gjaldfellur fari lokunarmaður á vettvang og afhendi þar skriflega tilkynningu um lokun án þess að til lokunar hafi komið.

## 12. gr.

Eftirlitsmanni Hitaveitu Blönduóss skal hvenær sem er frjáls aðgangur að öllum hitakerfum, sem tengd eru við hitaveituna. Er húseiganda skylt að hlíta tafarlaust fyrir mælum hans um viðgerðir á bilunum og sérhverjum ráðstöfunum til varnar gegn misnotkun heita vatnsins.

Gjaldskrárbreyting þessi staðfestist hér með samkvæmt orkulögum nr. 58 29. apríl 1967, til að öðlast gildi 1. október 1987, og birtist til eftirbreytni öllum sem hlut eiga að máli. Jafnframt er úr gildi felld eldri gjaldskrá sama efnis, nr. 430, 20. okt. 1986.

*Iðnaðarráðuneytið, 28. september 1987.*

F. h. r.  
**Páll Flygenring.**

*Guðrún Skúladóttir.*

## **GJALDSKRÁ**

### **Hitaveitu Seyðisfjarðar**

#### **I. KAFLI**

##### **1. gr.**

Hitaveita Seyðisfjarðar selur afnot af heitu vatni úr veitukerfum þeim, sem gerð hafa verið og verða gerð, eftir þeim reglum, sem settar eru í gjaldskrá þessari.

##### **2. gr.**

Hitaveita Seyðisfjarðar lætur hverju húsi, sem er í sambandi við vatnsæðar þess, í té vatnsmagn, er ætla má að nægi til fullrar hitunar enda séu ofnar hússins nægilega stórir, að dómi hitaveitunnar. Einnig lætur hitaveitan í té heitt vatn til hitunar neysluvatns.

#### **II. KAFLI**

##### **3. gr.**

Fyrir afnot heita vatnsins skal greiða samkvæmt orkumæli kr. 0,99 fyrir hverja kílóvattstund og jafnframt samkvæmt vatnsmæli kr. 12,87 fyrir hvern rúmmetra vatns.

Hitaveitu Seyðisfjarðar er heimilt að selja heitt vatn samkvæmt vatnsmæli eingöngu.

Gjald fyrir hvern rúmmetra vatns er kr. 98,00.

Framangreind hitaveitugjöld má krefja mánaðarlega.

##### **4. gr.**

Gjalddagi hitaveitugjalda eru við framvísun reikninga eða tilkynningar um reikningsupphæð. Sé reikningurinn ekki greiddur við fyrstu sýningu, ber gjaldanda að greiða hann, þar sem hitaveitan ákveður. Það eru vanskil, ef gjöldin eru ekki að fullu greidd innan 14 daga frá gjalddaga.

##### **5. gr.**

Heimádagjöld fyrir Hitaveitu Seyðisfjarðar skulu vera sem hér segir:

Lágmarksgjald fyrir mælagrind og fyrstu 300 rúmmetra húsnæðis kr. 63 000,00.

Fyrir hvern rúmmetra húsnæðis fram yfir fyrstu 300 m<sup>3</sup> kr. 85,90.

Við ákvörðun á rúmmálsstærð húsa skal miðað við Fasteignamatsskrá og fyrir hús, sem ekki eru skráð í fasteignamati, skal miðaða við teikningar húsa.

Ekki skal greiða rúmmálgjald af óupphituðu húsnæði í hluta af húsi, svo sem vöruskemnum og öðru óupphituðu rými fram yfir stærð, sem nemur 300 m<sup>3</sup>.